

342

(...)

Au nom de dieu soyt saichent toutz presens & advenir que ce jourd huy **neufieme** du mois d **octobre mil cinq cens quatre vingtz doutze** apres midi regnant henry roy de france & de navarre a **montauban** & dans la **maison de m(aître)**

.....

**bernard satur gref(f)ier** en la co(ur) de m(onsieu)r le sen(ech)al de quercy siege de mo(ntau)ban [par]devant moy not(air)e royal soubz(sig)ne & presens les tesmoingz bas nommes constitue en sa personne madono **lizette dubosc femme dud(it) satur** laquelle gisant malade dans le lict en une salle du corps du millieu de( )lad(ite) mai(s)on respondant vers la rue publique detenue de certaine maladie corporelle toutesfois saine par la grace de dieu de ses bon sens memoire & entendement bien voyant ouyant coignoissant & parfaitement parlant mais elle considerent la vie de ce monde estre fragile & ni avoir chose plus certaine qu( )est la mort & l heure d icelle incertaine & affin q(ue) entre ses parens & amis ni ayt different auroict volu faire son testament avant q(ue) deceder de ce monde comme s( )ensuit premierement comme une fidelle chretiene a recommande son ame a dieu le pere tout puissant jesu(s )christ son filz & saint (e)sperit estant une mesme divinite le priant luy vouloir faire misericorde & pardonner ses faultes & peches par le merite de la mort & passion de sondict filz jesu(s )christ nostre seigneur & colloquer son ame au royaulme celeste de paradis et quand dieu aura separe l ame de son corps sond(it) corps estre ensepveli suivant **l ancienne costume de l eglise reformee** item donne & legue aux povres des hospitaux de montauban la somme de quatre escus sol faisant doutze livres t(ournoi)z payable

.....

343

apres son decez par une foys par son heretier bas nomme laquelle somme veult que soyt distribuee par le tresorier item donne & legue a **ysabeau de bardon sa niese** la somme de cinquante livres tournoises payable le jour qu( )elle se mariera & aultres cinquante livres apres le decez dudict satur sondict mary herettier soubz nomme qu( )est du leguat a( )elle advenu par la sucession de feu

**anthoine de jehan honcle maternel** de( )ladicte testatrix a condition que si ledict satur estoyt tenu de restituer ledict leguat ladicte ysabeau de bardon sera tenu(e) le randre ledict cas advenant et apres le decez de( )ladicte de bardon que led(it) leguat viene a **marie dubosc sa mere** item donne & legue a honeste femme **marie du bosc sa s(o)eur vefve** de feu sire **ramond bardon** bourgeois quant vivoyt de montauban ung coffre bahut couvert de cuir noir ensemble les petitz meubles qui sont dedans & que le tout soyt baille a( )sadicte s(o)eur par sondict mary heretier susdict et oultre ce a( )donne & legue a lad(ite) de bardon sadicte s(o)eur la somme de cinquante livres tournoises du leguat & sucession dudict feu anthoine de jehan payable par sondict herettier dans six mois apres son decez ensemble ung lict garni de coytte coyssin une flessade de laine six linseulz thoille chanvre & moyenant ce elle veult que ne puisse au(tr)e chose demander sur ses biens. item donne et legue a **gabrielle blanche sa metaiere** la somme de dix livres tournoises pour acheter ung blanquet. item donne & legue a

.....

**margueritte mauruque sa chambriere** ung aultre blanquet pour se habiter payable par son heretier apres son decez et en toutz & chescuns ses aultres biens tant meubles que immeubles presens & advenir droictz noms voix et actions quelzconques en quel lieu que soient a faict & institue son heretier general universel & de sa propre bouche a nomme savoir ledict satur sondict mary auquel veult que toutz sesdictz biens et droictz viennent et apartienent de plain droict apres son decez pour en faire a sa volonte tant en la vie que en la mort a( )la charge de paier ses debtes & leguatz item donne & legue a **miramonde d( )asquies vefve de pierre bio** la somme de cent livres tournoises qu( )est le leguat dudict feu bio que par son testament luy auroict faict en sa favueur & a( )present ladicte testatrix veult que **ladicte miramonde** mere la puisse recouvrir pour en faire a sa volonte a faveur de ses enfens et tout ce dessus ladicte testatrix a volu et veult que ce soyt son dernier ultime et nuncupatif testament lequel a volu valoir par manere de codicille donation & aultre disposition a cause de mort en la melheure forme que pourra valoir et tenir cassant revoquant et annullant tout aultres testemens codicilles donations & au(tr)es dispositions par elle cy devant faictes volant que le present testament aye efficace et valleur de( )quoy a( )pries les tesmoingz bas escriptz

.....

et nommez qu( )elle a( )recogneus luy en pourter bon tesmoignage  
a( )l( )advenir et a moy notaire luy en retenir acte de testament  
ce que a este faict en la presence de maistr jehan  
tachard licentie en loix maistres david , et pierre gui  
freres praticiens ysac lalause praticien tobie viguie  
aussi praticien maistre estiene vayssset praticien & jehan  
escalle clerck audict montauban soubz signes ladicte testatrix  
a dict ne scavoir escrire, tachard, de( )guy, present, guy  
present, viguier, present, de vayssset, present, lalause,  
present, scale, ainsin signes a( )la cede originale et  
moy anthoine vacquier notaire royal dudict montauban  
qui ay retenu le p(rese)nt testament icelluy enregistre en  
mais prothocolles dequelz cesluy cy a( )este signe

Vacquier, n(otaire) r(oy)al